



## **Promptvarivm Morale// Das ist// Sittliche Speißkam[m]er**

darinnen heylsame Lehren/ Gott-//selig/ Christlich/ Catholische  
Vnderweysungen/ von löblichen Sit-//ten vnd Tugenden/ wider allerley  
Sünd vnd Laster/ vber die// Sontäglichen Euangelien deß gantzen Jars/  
be-//griffen vnd verwahret:// Allen Predigern zum heylsamem Vnderricht/  
den Sündern zur// ...

Wintertheyl

**Stapleton, Thomas**

**Ingolstatt, 1597**

**VD16 S 8620**

III. Jesus sagt zu jr/ Weib/ was hab ich mit dir zuschaffen?

---

[urn:nbn:de:hbz:466:1-77797](https://nbn-resolving.org/urn:nbn:de:hbz:466:1-77797)



Am andern Sontag nach  
Auslegung des dritten Theils dieses  
Euangelij.

Jesus sagt zu ihz/ Weib/ Was hab ich mit dir zuschaffen?

Die Gätter  
der Kirchen  
seynd den  
Blutsfreun-  
den nit zu  
geben.

**I**n sittlicher Orth vnnnd Stell/ daß man der fleischlichen  
Blut vnd Verwandtschaft kein Ansehen haben solle/ in Auftheilung der  
Kirchen Gnaden vnnnd Güter: Dann vnder andern vil vnnnd mancherley  
Ursachen/ welche die heylige Vätter einführen/ warumb CHRISTVS seiner  
allerseitigsten Müttern so scharpff geantwort hab/ (welche wir alle in dem an-  
dern Promptuario Catholico, das ist/ Catholischen Zeughaus wider  
vnserer Zeit Ketzer/ auff disen Ort beygebracht haben) ist diß eine ge-  
wesen/ daß CHRISTVS lehren wöllen/ daß er in Auftheilung geistlicher vnnnd Götlicher  
Sachen vnnnd Wercken/ mit seiner Mutter nichts gemeyns habe. Also Augustinus  
[Die Mutter begeret ein Wunderzeychen/ Er aber gleich als der nit kendet das mensch-  
liche Fleisch/ wolte Götliche Thaten wirken.] Also Theophilus Alexandrinus.  
[Dieweil er GOTT ware/ Wunderzeychen wirkend/ als ein Mensch/ mit der Müttern  
menschliche Ding handlend/ vnnnd ein Geheymnuß wirken wöllend/ zeygt er an/ daß es  
mit der Müttern nichts gemeyns habe.] Eben diese Ursach gibt Euthymius. Vnnnd  
der H. Bernhardus gleich eben schier auff diese Weys: Er lehrt/ als da wir einmal zu  
GOTT bekert/ wir von der fleischlichen Verwandtschaft weniger sorgfältig seyn sollen.

Tract. 9. in  
Ioan.  
Alexan. in  
Ioan. lib. 2.

In comm. ad  
hunc locum  
Serm. 2. in  
hanc Dom.

Derowegen die antwort CHRISTI/ seiner waren Müttern vñ allerseitigsten Jung-  
frauen geschehen/ solle seyn ein Vnderricht aller der jenigen/ welche auff Erden die  
Stadt CHRISTI vertreten/ der Bischouen/ Prelaten/ Priestern/ damit sie in Gna-  
den vnnnd Gütern der Kirchen sie seyen geistliche oder zeytliche aufzutheylen (dann die  
Gnad/ welche die selige Jungfraw von ihrem Sohn IESV begerete/ die ware in Mey-  
nung vnnnd Ansehen eines Götlichen Wunderwercks/ dem Wein nach/ welchen sie für  
die Gást begeret/ ist welt vnnnd zeitlich gewesen) der fleischlichen Eltern vnnnd Verwand-  
ten/ seytemal sie solche seynd/ einiges auffsehen nit sollen haben/ es seye dann ein an-  
dere Ursach einer Schankung/ als Tugend/ Armut/ oder irgend ein andere Art vnnnd  
Geschlecht eines Verdiensts verhanden. Clemens Bapst/ diß Namens der vierde/  
ein Mann vor dem Priesterthumb ehelich/ vnnnd zu Bononien ein Doctor der Rechten  
vnnnd Lehrer/ als zwo seiner Töchtern/ noch vnuerheyrat/ von jme ein Heyrath Gut ge-  
genwärtiger Väterlichen Wirten gemeyß begereten/ hat er geantwort: daß der Bapst  
nit Töchtern habe/ es seye gnug/ das ganz Väterliche Erbeheyl jnen schuldig seyn: als  
so hat er sie leer/ mit einem vngewöhnlichen/ aber herrlichen Exempel entlassen. Der  
H. Laurentius Justinianus/ Patriarcha zu Venedig als er von seinen Blutsfreunden  
einem/ nit gar arm/ damit er jhne mit Gelt seiner Töchtern zum Heyrath Gut behülff-  
lich wäre/ gebetten worden/ hat er nit weniger weyßlich als Gottseliglich geantwortet:  
Betrachte/ bitte ich/ Bruder/ So ich zu wenig geben werde/ so bedarffst du dessen nit/ so  
ich vil gibe/ werde ich vil betriegen/ damit ich einem gnug thu/ vñ derowegen was gleich  
dieses seye/ so ist mir/ mich zur Speys vñ Nahrung der Armen/ daß zu den kraufften vnnnd  
auffgebüfften Harlocken oder Berlein/ von der Kirchen vberantwort wörd. Dises der  
H. Laurentius/ die Bitte ganz vnnnd gar abschlagend. Fürwar/ fürwar diß vngerechte  
vnnnd vnbillliche Dispensation vnnnd Auftheilung/ solle allen Prelaten zu einem gewlich  
vnnnd erschöcklichem Exempel seyn/ der erbärmliche vnnnd blutige Todtschlag des H. En-  
gelberti Erzbischoven zu Eöln/ welcher auff offentlichem Weg von Graff Friderichen  
zweyen seinen Brüdern als Anfängern des Todtschlages/ geschehen/ die er mit geistli-  
chen Lehen bereichet vnnnd begabt hatte: dieweil er jhnen aber in allen Dingen nit gratis-  
einn vnnnd wilfärig erscheinen wolte/ durch welchen sie auß Armen Reiche/ vnnnd mit Hoff-  
fart vberladen/ ist er von jnen vmbgebracht worden. Dife geistliche Prelaten aber/ wel-  
che von den Kirchlichen Gütern jhre fleischliche Verwandten vnrechtlich bereichen/  
seyn auß der Zahl der Blinden/ die in der Welt wandeln/ von der Eytelkeit vnnnd falschen  
Schein diser Welt betrogen.

Exempel.  
1.  
Bapt. Fulgof.  
lib. 4. cap. 3.

2.  
In vita eius  
apud Sur. to.  
1. pag 17 8.

3.  
In vita eius  
apud Sur. to. 6.



Darnes seyn dreyerley Geschlecht der Blinden/ oder aber auff dreyerley Art vnd Weysen werden die Blinden auff dem Weg geführt: etliche versuchen den Weg mit einem Stecken: andere folgen einem angebundenen Hunde nach: Jene werden einweders von einem Buben/ oder Sohn/ oder Einkel bey vnd mit der Hand geführt. Die Blinden so einen Stecken brauchen/ seynd die Menschen/ in Weltliche Würden gesetzt/ welche/ das sie des Steckens der Digniteten vnd Würden genießten/ versuchen alle Ding/ streben vnd streitten mit Recht vnd Vnrecht darnach. Die Blinden werden durch vñ mit Fleiß des Ehegelses in allen jren Handthierungen geführt: sie sehen nichts/ schawen vñ geben auf nichts anders acht/ daß die Ehr/ dahin sie begeren/ oder welche sie haben. Die Blinden/ die der Hund führt/ seynd die armen zänckischen Menschen/ welche mit Begierd als la Reichthumb verblend/ vñ in jedwedere Sachen zäncken vnd hadern. Dife führen die Hungerigen Aduocaten/ Procuratorn vnd Fürsprecher/ allein dem Gwin ergeben/ wo hin sie wollen/ verlargern den Sanct vñ da sie irgend ein Suppen erschnappet/ (das ist/ durch grosse Hoffnung eines Nusses/ od' gegenwertigen Nutzbarkeit) so ziehen sie ihre Klienten in die Gruben/ vnd daß sie die Sachen verlieren/ sehen sie noch/ die da/ daß sie ebenes Fuß/ zu dem Weg der Gerechtigkeit/ die Victori vnd Sig zuerhalten/ geführt zu werden/ darfür hielten. Das dritte Geschlecht der Blinden welches zwar mehr hofft vñ schlich jedoch aber mehr gefährlicher als die ander ist/ welche von einem Knaben/ Nemlichen Sohn oder Einkel/ geführt werden. Difes seynd die geystlichen Männer/ vnd Kirchlichen Prelaten/ welche/ damit vñ auff daß sie jren Knaben/ als Einkel od' Bruder bereichen in der Welt ansehnlich vñ verhümblt machen können/ so erlangen sie jnen/ vñ doch mit blinden Affect vnd Anmuthung/ einweder Beneficia vnd Pfrinden/ oder begaben die selbigen ober Weys vnd Was mit zeitliche Gütern jrer Kirchen. Dañ dife alldieweil sie jre Knaben/ vnd fleischliche verwandten also blind nachfolgen/ vñ gedulden/ daß sie von jrer Anmuthung vñ Nus wegen geführt werden/ fallen sie in vil tausent Gefahr/ lauffen offtmaln der ewigen Verdammung zu/ wege derselbigen Sünden/ welcher sie reich gemacht/ vñnd die sie in Reichthumb zu vilen Sünden eingeführt haben.

Gleich wie ein Blinder von einem Kind geführt wirdt/ wañ das Kind auff dem weg anfängt unthwillig zu werden/ vnd zu dem Wollusten welche ihm entgegen köffen/ hin vñ wider laufft/ wirdt er offtmaln von dem rechten Weg abzuweichen/ vnd bisweilen ins Koch vñ ober die Stein zufallen gezwungen. Der H. Ulrich Bischof zu Augspurg/ sonst ein heiliger Mann/ hat doch sollen vñ müssen durch das Fegfeuer gehen/ von dem wegen allein/ daß er Alberonem sein Einkel/ als er noch lebete/ in dem Bistumb zu einem Nachfolger verordnet vnd gestellet hatte.

Spott vñ schändlich ist es gewesen dem Themistocli der Athenienser Vorsteher/ daß er von sich selbst bekante/ da er damaln eins seinen Muthwillen erkennet. [Wein Hausfraw] sagt er/ [Regiert mein Knab/ die Hausfraw mich/ Ich Athen/ also regiert mein Knab Athen.] Vil schändlicher ist/ vnd vor GOTT ein Kirchenraub/ daß ein geystlicher Prelat von einem fleischlichen verwandten geführt werde/ das ist/ wegen jres Nusses vñ Wolfarth alle Ding thun/ oder vil thun/ oder doch leztlich etwas vnrechts thun/ sarnemblich geystliche Sachen/ oder andere/ die denselbigt anhangen/ wie da seyn Beneficia/ Pfrinden vñ Güter der Kirchen/ welche den Armen zugehören/ verleihend. Zugleich wie ein Fürst/ welcher seinen Sohn einer Seugammen zu ernähren vbergeben/ vñnd derowegen der selben die allerbesten Speisen reichlichen ertheylet/ nit destweniger aber/ wañ er den Son mager seyn ansihet/ deshalben daß Seugammen selbstn Kinder vñnd Einkel hat/ welcher sie die Speisen des Fürsten außgetheylet/ vñnd seinen Sohn verabsaumet/ wirdt er ohn allen zweiffel den Sohn von ihr hinwegnehmen/ vñnd sie in jrer vorigen Armut verlassen. Also GOTT/ welcher der Kirchen vil zeitliche Güter verlihen/ damit die Prelaten Seugammen der Armen seyn solten/ wann er sihet/ daß die Armen von den Prelaten verabsaumt/ vñnd die Bluts Freund reich werden/ so nimbe er nach rechtbilllichem Urtheyl die zeitlichen Güter von den geystlichen hinweg/ einweder durch Reseren/ oder durch der Fürsten Geis/ oder auff ein ander weys. Widerufft

Gleichnuß.

Philip. Diez conc. 1 in Dom 20. post. Pent

Exempel. In vita eius apud Sur. tom. 4. pag. 90.

Plutar. in vita eius. Apothegma.

phil. diez in festo rufif. b. virg. conc. 1

Comptarium Stapletoni TVII 22





Gleichnuß.  
Gerfon in lib.  
de vita con-  
templ.

ein jedweder Vbertreter/ so lang er an einem geweyheten Drey bleibe vnnnd verharret/ wirt er von den Geriches Knechten mit angriffen: Da er aber außserhalb des Geweyheten Drey gefunden/ wirt er alsbald von dem weltlichen Richter vnnnd Gewalt gefangen. Die Güter der Kirchen/ seynd die Güter der Sünder von jhnen GOTT außsgeopffert zu Vergebung ihrer Sünden. Dife Güter den heyligen vnd Gotseligen Gebreuchen zugeeygnet/ bleiben zwischen der Kirchen sicher. Wo aber die entheyligten anfangen/ so die Güter geben werden den Verwandten/ zu den weltlichen Gebreuchen auff vnd angewendet/ so erweckt GOTT welt vnd zeitliche Herren/ die dieselbigen entweder auß Nothwendigkeit/ oder auß Geiz zerreißen/ dieweil sie sehen das solche auß dem geweyheten Drey hinweg gangen.

### Auslegung des vierdten Theyls dieses Euangelij.

Alles was er euch sagen wirt/ das thut.

Gehorsam  
ist voll taug-  
lich vnd ge-  
schickt.

**M**hie ist ein sittlicher Ort/ von der vollkommen vnd auff allerley Weis vnd Weg ganzen Gehorsam/ den Worten CHRISTI zuleyten/ fürnemblich da wir ein sonderbare Gnad erwarten. Die selige Jungfraw nach verbrachter Witt/ das man den Geladenen Wein reichen vnd geben solle/ vnd Gottgeb wie/ die Antwort CHRISTI den Worten zuwider/ versichend/ das jhr nit abschlagen/ sonder nur ein Verklagung gewesen: vnd damit nit auß der Antwort die Hausdiener eynigen zweiffel vnnnd Mistrawen schöpfften/ vnd damit sie nit verzagten/ so schafft sie nichts desto minder/ das sie zu allen sachen solten bereyt seyn was jhnen CHRISTVS zuthun sagen wurden. Ein herliche vnd edle Lehr/ von der aller seligsten Mutter Gottes herkommen/ auff das so offti wir in schweren Sachen/ in vnsern grossen Anligen/ in allen Anfechtungen/ eintweder offnen oder heymlichen/ ein besondere Hülf/ Beystand vnd Trost von GOTT erwarten/ ob schon sein Barmherzigkeit bis weilen auffgeschoben wirt/ vnd vns/ das wir ein Abschlag gelitten haben/ ansehen lassen/ so sollen wir nichts desto minder auff den HERRN hoffen/ das wir enzwischen alle seine Gebott verrichten/ vns derweiln in dem Stand der Gnaden/ vnnnd ohne Todesünd erhalten/ diese Mittel alle zuer suchen bereyt vnnnd willig seyn/ was vns die Göttliche Prouidens vnd Fürsichtigkeit geben vnd mittheilen wirt/ zu diesen/ was wir wünschen zuerlangen.

Dif hat die Mutter vnd selige Jungfraw ganz vnd gar sagen wollen. Gottgeb wie mir mein Sohn also antwort: das ich gleichsam zweymal verworffen seye/ oder dieweil der Mangel des Weins oder difs Remedium vnd Verbesserung eines solchen Abgangs wunderbarlich mir nit zugehöre: so seydt doch jhr Hausdiener allweg bereyt das jenig zuthun/ was er heysen wirt/ es sey darnach gleich was es wolle. Welches dann auch die Diener verricht. Geheysen nemblich die Krieg mit Wasser zufüllen/ [haben sie selbige gefült bis oben an.] Ein solche taugliche/ fröliche/ ganze vngeschwächte vnd vollkommenliche Gehorsam/ in Ansehung der Gebotten CHRISTI/ befehlet vns diser Euangelische Ort. Fürwar es ist eben die Lehr/ welche allein CHRISTVS hernach/ seinen Aposteln/ in die Welt aufzuschicken/ zum Befelch gegeben/ vnd mit welcher er gar nahe die Apostolische Legation vnd Botschafft geendet. [Vnd lehret sie halten alles was ich euch gebotten hab.] CHRISTVS der schreibt vns für/ ein vilfaltige Gehorsam seiner Gebotten/ welche vns fürwar sein Exempel lehren solle. Dann alle Ding was er in der Welt gethan/ hat er auß Gehorsam gethan. [Ich bin nit kommen das ich meinen Willen thu/ sondern dessen der mich gefand hat des Vatters.] Widersumben: [Auff das die Welt erkenne/ das ich den Vatter liebe/ vnnnd das ich also thu/ wie mir der Vatter gebotten hat/ stehet auff/ vnnnd last vns gehen von himmen: Als bald den gehet er hin zu seinem Leyden. Also der Apostolus: [Er ist gehorsam gewesen/ bis zum Tode. Jetzt aber sagt Johannes: [Wer da sagt das er in CHRISTO bleibe/ der muß auch wandeln/ gleich wie er gewandelt hat.] CHRISTI Leben/ Lehret

Matth. 28.

Iohan. 4. 5. 6.

Iohan. 14.

Philip. 2.